


Fréttabréf

stéttarfélaganna í Þingeyjarsýslum



Forsíðumyndin



Áð þessu sinni prýðir Linda Þuríður Helgadóttir forsíðu Fréttabréfsins en hún starfar hjá sveitarfélaginu Norðurþingi á Húsavík. Fréttabréfið er skrifað 11. júní 2007.

Forsíðumyndina tók Aðalsteinn Á. Baldursson.



Pétur Helgi Pétursson starfsmaður Hvamms, heimilis aldraðra á Húsavík, er hér við slátt. Það sem er merkilegt við sláttinn er að Pétur er að slá gras sem er á þaki þjónustuíbúðar Hvamms. Pétur er góður verkmaður og átti því ekki í erfiðleikum með sláttinn frekar en annað sem bann tekur sér fyrir bendur.

Stéttarfélögin
í Þingeyjarsýslum

Óskastarfið er laust til umsóknar

Skrifstofa stéttarfélaganna á Húsavík óskar að ráða

Starfsmann til almennra skrifstofustarfa

Skrifstofa stéttarfélaganna auglýsir eftir starfsmanni til almennra skrifstofustarfa. Um er að ræða 50 til 75% starf. Vinnutími eftir samkomulagi.

Æskilegt er að starfsmaður geti hafið störf sem fyrst.

Æskilegar hæfniskröfur:

- Færni í mannlegum samskiptum og samvinnu
- Tungumálakunnátta
- Tölvukunnátta
- Frumkvæði, sjálfstæði og leikni í framsetningu rit- og talmáls
- Áhugi á starfsemi stéttarfélaganna og þeim markmiðum sem þau standa fyrir
- Góð undirstöðumenntun

Allar nánari upplýsingar um starfið veitir Aðalsteinn Á. Baldursson forstöðumaður Skrifstofu stéttarfélaganna.

Umsóknum sem greina menntun, starfsreynslu og hæfni skal skila til Skrifstofu stéttarfélaganna Garðarsbraut 26, 640 Húsavík í síðasta lagi mánudaginn 18. júní n.k.

Skrifstofa stéttarfélaganna Húsavík, er alhliða þjónustuskrifstofa í vinnumarkaðsmálum og skyldum verkefnum fyrir félagsmenn Verkalýðsfélags Húsavíkur og nágrennis, Verslunarmannafélags Húsavíkur, Starfsmannafélags Húsavíkur og Þingiðnar. Auk þess er Skrifstofan í nánu samstarfi við Verkalýðsfélag Þórshafnar.

Menn verða ekki sjálfkrafa félagsmenn!

Rétt er hvetja fólk sem hefur störf á vinnumarkaði og starfar eftir kjarasamningum stéttarfélaganna í Þingeyjarsýslum að ganga formlega í félögin. Sumir halda að með því að hefja störf á vinnumarkaði gangi þeir sjálfkrafa í stéttarfélög. Svo er ekki, því þurfa menn að koma við á Skrifstofu stéttarfélaganna og ganga frá sínum málum með formlegum hætti. Einnig er

velkomið að senda þeim sem búa utan Húsavíkur umsóknareyðublöð í pósti auk þess sem hægt er að nálgast blöðin á heimasíðu stéttarfélaganna www.vh.is. Allir sem orðnir eru 15 ára og starfa eftir kjarasamningum félaganna hafa rétt á inngöngu í félögin. Nánari upplýsingar er hægt að nálgast hjá Skrifstofu stéttarfélaganna.

Aðalfundur og málþing

Aðalfundur Atvinnuþróunarfélags Þingeyinga verður haldinn föstudaginn 15. júní í Gljúfrastofu í Ásbyrgi.

Að loknum aðalfundarstörfum kl.14 verður haldið málþing um

undirbúning að væntanlegum Vatnajökulsþjóðgarði.

Dagskrá málþingsins verður auglýst síðar. Full ástæða er til að hvetja áhugasama til að taka þátt í málþinginu.



Gljúfrastofa í Ásbyrgi hefur verið opnuð og er öll bin glæsilegasta. Atvinnuþróunarfélagið verður með aðalfund félagsins á staðnum í júní og hefur auk þess boðað til málþings um Vatnajökulsþjóðgarð. Gljúfrastofa á örugglega eftir að draga til sín bæði ferðamenn og eins fundi og ráðstefnuþing enda umnið að því börðum böndum að skapa góða aðstöðu á staðnum.

Skrifstofa stéttarfélaganna | Garðarsbraut 26 | 640 Húsavík | Sími: 464 6600 | Fax: 464 6601 | kuti@vh.is | www.vh.is

ÚTGEFENDUR: Þinginn, félag iðnaðarmanna, Starfsmannafélag Húsavíkur, Verkalýðsfélag Húsavíkur og nágrennis, Verkalýðsfélag Þórshafnar, Verslunarmannafélag Húsavíkur. Garðarsbraut 26 • 640 Húsavík • Sími 464 6600 • Fax 464 6601 • e-mail: kuti@vh.is • Heimasíða: www.vh.is • AÐYRGÐARMANNAÐUR: Aðalsteinn Á Baldursson

Fréttabréfið er skrifað 11. júní 2007 og gefið út í 2000 eintökum.

HÖNNUN OG PRENTUN: Örkin, Húsavík.

Orlofsuppbót 2007



Full orlofsuppbót árið 2007 er eftirfarandi:

Félagsmenn í Verslunarmannafélagi Húsavíkur eiga rétt á 17.400 króna uppbót. Félagsmenn í Verkalýðsfélagi Húsavíkur og nágrennis, Starfsmannafélagi Húsavíkur og Þingið eiga rétt á 23.000,- króna uppbót. Þá eiga lönsmenn rétt á 17.100 króna uppbót.

Þessar greiðslur miðast við að starfsmenn hafi verið í fullu starfi allt orlofsárið frá 1. maí 2006 til 30. apríl 2007. Aðrir starfsmenn eiga í

flestum tilfellum rétt á hlutfallslegri greiðslu m.v. starfstíma og starfshlutfall.

Almennt greiðist orlofsuppbót á almenna vinnumarkaðinum þegar starfsmenn fara í sumarfrí eða í síðasta lagi 15. ágúst 2007. Starfsfólk sveitarfélaga skal þó fá greidda orlofsuppbót 1. maí og starfsfólk hjá ríkisstofnunum skal fá greidda orlofsuppbót 1. júní ár hvert. Ef eitthvað er óljóst, endilega leitið upplýsinga hjá Skrifstofu stéttarfélaganna.

Kjarakönnun iðnaðarmanna



Iðnaðarmenn í Þingeyjarsýslum eru margir hverjir ekki ánægðir með sín kjör og telja sig hafa dregist aftur úr sínum starfsbræðrum, sérstaklega á þenslusvæðunum. Þeir hafa því falið Skrifstofu stéttarfélaganna að gera kjarakönnun í haust. Könn-

unin mun væntanlega leiða í ljós hvort staðhæfingar iðnaðarmanna í Þingeyjarsýslum reynast réttar eða ekki. Væntanlega verður fjallað um könnunina í Fréttabréfi stéttarfélaganna sem kemur út í haust.



Sveinn Freysson málari er einn af þeim iðnaðarmönnum sem komið hefur að því að byggja upp Gljúfrastofu sem nú hefur verið opnuð. Þrátt fyrir það eru iðnaðarmenn enn að störfum í stofunni.



Ferðamenn streyma nú til Húsavíkur í bvalaskoðun auk þess að skoða náttúruperlur sem víða er að finna í Þingeyjarsýslum. Bryndís Þórðardóttir og Veigar Pálsson starfsmenn Norðursiglingar sögðu nóg að gera í miðasöluinni enda veðrið gott og blómlegt líf á Skjálfanda.



Stefán Stefánsson hafnarvörður á Húsavík fer bér yfir málin með Ásu Gísladóttir starfsmanni Norðurþings. Þess má geta að Ása og Stefán sitja bæði í stjórn Starfsmannafélags Húsavíkur.

Fyrirlestur fyrir nemendur Borgarhólsskóla

Fulltrúum stéttarfélaganna var boðið að flytja fyrirlestur um starfsemi stéttarféлага fyrir nemendur í 8. og 9. bekk Borgarhólsskóla í síðustu viku. Fyrirlesturinn var hluti af starfskynningarverkefni sem nemendur skólans unnu að í lok skólaársins. Þrátt fyrir að unglingarnir væru farnir að þrá það að komast í sumarfrí voru þeir áhuga-

samir um fyrirlesturinn og spurðu um ýmislegt sem viðkemur réttindum þeirra og skyldum á vinnumarkaði auk þess sem rætt var um ýmis tengd málefni.

Að loknum fyrirlestrinum voru allir leystir út með gjöfum frá Verkalýðsfélagi Húsavíkur og nágrennis.



Nemendur Borgarhólsskóla voru að venju ábugsamir um starfsemi stéttarféлага og atvinnulífjö á Húsavík. Hér koma nokkrar myndir úr heimsókninni.



Fjöldi góðra gesta var á 1. maí bátiðarböldunum á Húsavík. Frambjóðendur til Alþingis létu sig ekki vanta og hér má sjá Sigurjón Þórðarson og Huld Arinbjarnardóttur sem bæði ætluðu sér á þing fyrir Norðausturkjördæmi en tókst ekki.

Samningar lausir, hefur þú skoðanir?

Um næstu áramót eru kjarasamningar almennt lausir. Það á þó ekki við um starfsmenn sveitarfélaga og ríkisins. Þeirra samningar eru lausir á næsta ári. Verkalýðsfélag Húsavíkur og nágrennis og Verslunarmannafélag Húsavíkur

eru um þessar mundir að hefja undirbúning að mótun kröfugerðar fyrir komandi kjaraviðræður. Félagin vilja hér með skora á félagsmenn sem vilja koma sínum kröfum á framfæri að hafa samband við Skrifstofu stéttarfélaganna.

Stéttarfélögin
í Þingeyjarsýslum

Opnunartími í sumar

Skrifstofa stéttarfélaganna verður opin frá kl. 08:00 til kl. 16:00 í sumar. Það er frá 1. júní til 31. ágúst 2007. Opið verður í hádeginu.

Stéttarfélögin

Unnið að sameiningu



Mikill ábugi er fyrir því að sameina Verkalýðsfélag Húsavíkur og nágrennis og Verslunarmannafélag Húsavíkur félagsmönnum, til hagsbóta.

Viðræðunefnd Verkalýðsfélags Húsavíkur og nágrennis og Verslunarmannafélags Húsavíkur hefur fundað undanfarið um hugsanlega sameiningu félaganna. Í nefndinni eru þrír aðilar frá hvoru félagi. Mikill áhugi er fyrir því að sameina félögin og verður unnið að því markmiði næstu mánuðina. Reiknað er með að niðurstaða fáið í málið með

haustinu svo hægt verði að afgreiða sameininguna á aðalfundum félaganna eftir næstu áramót. Hafi lesendur Fréttabréfs stéttarfélaganna tillögur um gott nafn á sameinað félag eru þeir vinsamlegast beðnir um að hafa samband við Skrifstofu stéttarfélaganna.

Tjón á íbúð Verkalýðsfélagsins í Reykjavík

Skemmdir urðu á íbúð Verkalýðsfélags Húsavíkur og nágrennis í Asparfelli fyrir nokkrum vikum. Tjónið varð vegna gufu frá heitu vatni en blöndunartæki í íbúðinni

bláði. Tjónið var umtalsvert og hafa iðnaðarmenn unnið að því að koma íbúðinni í fyrra horf sem nú er lokið. Íbúðin er því komin aftur í leigu og er öll hin glæsilegasta.

Gáfu tölvubúnað í Lund

Á dögnum bárust Grunnskólarnum í Lundi góðar gjafir. Rannveig Snót Einarasdóttir kom færandi hendi með 3 tölvur ásamt prenturum sem hún afhenti skólanum en nokkrir aðilar á svæðinu vildu styrkja skólann með þessum hætti. Þeir eru Fjallalamb, Sparisjóður

Þórshafnar og nágrennis, Silfurstjarnan og Verkalýðsfélag Húsavíkur og nágrennis. Þess má geta að búnaðurinn er vel merktur þeim sem lögðu hann til.

Það er von félagsins að þessi búnaður komi nemendum og starfsfólki skólans að góðum notum.



Oddur Friðriksson aðaltrúnaðarmaður starfsmanna við Kárabnjúkavirkjun gerði sér ferð til Húsavíkur til að taka þátt í bátiðarböldum 1. maí sem fram fóru í Íþróttaböllinni á Húsavík. Með bonum á myndinni er Skúli Thor ræðumaður dagsins ásamt eiginkonu. Þó nokkuð var um að fólk kæmi á bátiðarböldin sem búsett er utan Þingeyjarsýslna.


Fundað með Jarðborunum

Fulltrúar Eflingar og Verkalýðsfélags Húsavíkur og nágrennis hafa undanfarið átt fundi með Jarðborunum um kaup og kjör starfsmanna. Félögin sem eiga starfsmenn sem starfa hjá fyrirtækinu hafa krafist þess að gerður verði vinnustaðasamningur milli fyrirtækisins og stéttarfélaganna. Viðræður aðila hafa verið vinsamlegar og fundað verður áfram um málið á næstu dögum. Jarðboranir hafa m.a. séð um boranir á háhitasvæðum í Þingeyjarsýslum og í dag vinnur á annan tug félagsmanna Verkalýðsfélagsins hjá fyrirtækinu. Ekki er ólíklegt að umsvif fyrirtækisins eigi eftir að aukast verulega á svæðinu því góðar horfur eru á því að álver rísi í landi Bakka á næstu árum. Ljóst er að álverið notast við mikla orku sem Þingeyingar telja sig eiga í næsta nágrenni við Húsavík. Því er líklegt að félagsmönnum Verkalýðsfélagsins eigi eftir að fjölga töluvert á næstu árum hjá fyrirtækinu sem er vel.



Trúnaðarmenn Jarðborana eru hér ásamt fulltrúum Eflingar fyrir utan Hótel Lofleiðir í Reykjavík en þar fór fram fyrsti sameiginlegi samningafundur aðila. Formaður VHN tók einnig þátt í fundinum en hann tók þessa mynd. Á myndinni má greina Hafstein Á. Ingvarsson sem er einn af trúnaðarmönnum starfsmanna. Hann hefur ekki langt að sækja ábugann fyrir verkalýðsmálum því afti hans er Kristján Ásgeirsson sem lengi gegndi trúnaðarstörfum fyrir Verkalýðsfélag Húsavíkur. Hafstein er félagsmaður í Verkalýðsfélaginu.

Nálastungumeðferð gengur vel



Sveinbjörn Sigurðsson kemur nálunum fyrir í réttum stöðum í Gunnari Bóassyni.

Sveinbjörn Sigurðsson sjúkrapjálfi og stéttarfélaginn hafa undanfarið staðið fyrir nálastungumeðferð fyrir félagsmenn gegn reykingum. Meðal þeirra sem nýtt hefur sér þennan kost er Gunnar Bóasson. Gunnar segir það ótrúlegt hversu góð áhrif meðferðin hafi á sig,

löngunin í tóbak hefði horfið eins og dögg fyrir sölu nánast frá fyrstu stungu. Að auki sagði hann það merkilegt að hann hefði ekki fundið fyrir neinum aukaverkunum í meðferðinni, eitthvað sem fylgt hefðu öllum fyrri tilraunum til að hætta að reykja. Aðrir sem nýtt hafa sér meðferðina taka í sama streng. Einn viðmælandi sem reykt hefur í 50 ár sagði að einu óþægindin sem hún hefði tekið eftir, væri að fyrstu vikurnar hefði hún ekki alltaf vitað hvað hún ætti að gera við hendurnar á sér en sú tilfinning væri nú löngu horfin. Nú fyndi hún bara til léttis og gleði með að vera loks laus við tóbaksfíknina. Það er afar ánægjulegt að heyra að námskeið stéttarfélaganna er miðar að því að hjálpa félagsmönnum að hætta að reykja er að skila góðum árangri. Þá má benda á að um síðustu mánaðarmót tóku gildi á Íslandi hertar reglur varðandi bann við reykingum og því kemur námskeiðið að góðum notum fyrir þá sem vilja taka á sínum málum og um leið að spara sér umtalsverða peninga.

SGS styður uppbyggingu álvers á Bakka



Í hátíðarræðu sem Skúli Thor-oddsen framkvæmdarstjóri Starfsgreinasambands Íslands flutti við 1. maí hátíðarhöldin á Húsavík kom fram afdráttarlaus stuðningur sambandsins við uppbyggingu álvers við Húsavík. Þar sagði hann:

„Þess vegna, góðir félagar, styðjum við uppbyggingu iðnaðar með vistvænum orkugjöfum. Þess vegna, góðir félagar, styðjum við byggðastefnu og uppbyggingu

atvinnulífs um allt Ísland, í sátt við náttúruna. Þess vegna styðjum við álver hér á Bakka við Húsavík. Við viljum að náttúran og auðlindirnar þjóni mannum og að maðurinn beri virðingu fyrir náttúrunni með skynsamri nýtingu, án rányrkju og skemmda.“

Þessi stuðningur Starfsgreinasambandsins er ánægjulegur fyrir alla þá sem vilja stuðla að öflugri atvinnuuppbyggingu á Húsavík.



Stjórn og trúnaðarmannaráð Verkalýðsfélags Húsavíkur og nágrennis sá um bátíðarhöldin 1. maí í samráði við 1. máinefnd stéttarfélaganna. Að sjálfsögðu stóðu þau sig frábærlega.

Fundað með Byggðaráði Norðurþings



Í lok apríl fundaði formaður Verkalýðsfélags Húsavíkur og nágrennis með Byggðaráði Norðurþings. Verkalýðsfélagið hafði áður óskað eftir fundi með fulltrúum sveitarfélagsins vegna atvinnu- og byggðamála á svæðinu. Fundurinn var vinsamlegur og skiptust menn

á skoðunum um þessi mikilvægu mál. Sérstaklega var talað um ástand mála á Raufarhöfn. Aðilar voru sammála um að vinna saman að því að efla svæðið enn frekar með heimamönnum og þeim stofnunum sem koma að þessum málum.

Upplifðu frábæra hestaferð í ágúst

Ferðin sem allir hafa beðið eftir verður farin í haust, nánar tiltekið laugardaginn 25. ágúst. Um er að ræða þriggja tíma hestaferð frá Saltvík í Heiðarbæ í Reykjaví. Ferðin er ætluð félagsmönnum og mökum þeirra. Þátttökugjald er aðeins kr. 4.000,-. Farið verður undir leiðsögn Bjarna Páls frá Hestamiðstöðinni í Saltvík niður að ströndinni að Æðarfossnum í Laxá. Þaðan verður ríðið upp að Mýrkavísl yfir hana á vaði og suður Hvammsheiði

meðfram Mýrkavíslinni eftir frábærum reiðgötum. Hestar verða við allra hæfi bæði fyrir vana og óvana. Ferðin er ekki síst ætluð óvönum einstaklingum. Þegar komið verður í Heiðarbæ verður öllum boðið í sund og heitan pott. Að því loknu verður grillað og sungið fram eftir kvöldi. Þegar ferðinni lýkur verður öllum keyrt til baka í Saltvík. Skráning stendur yfir á Skrifstofu stéttarfélaganna í síma 464-6600.

ÉG HEF næstum því

ALLAN TÍMANN Í

HEIMINUM

FYRIR ÞIG

Við lögum okkur að þínum þörfum

Það er græntvæðing að þú vilt í góðu sambandi við það fjármálaþráttalei sem þú skiptir við. Hja Sparisjóðnum heggjarn vilt mikina meirnað í að veita góða og persónulega þjónustu með hagsmunum og þessu viðhaldinu okkur að leiðsögn. Til hennar og góðu sambandi er farsamt fyrir báða aðila.

SPARISJÓÐUR

Suður-Þingeyinga

[illegible]

Forsvarsmenn fyrirtækja athugið!

Fyrirtæki, stofnanir og sveitarfélög sem aðild eiga að kjarasamningum aðildarfélaga Skrifstofu stéttarfélaganna á Húsavík eiga rétt á styrkjum til námskeiðahalds fyrir starfsmenn. Stéttarfélögin skora á forsvarsmenn fyrirtækja að kynna sér þá miklu möguleika sem þeir hafa á námskeiðsstyrkjum frá

fræðslusjóðum eins og Landsmennt, Ríkismennt, Sveitamennt, Sjómennt og Fræðslusjóði verslunarmanna. Starfsmenn Skrifstofu stéttarfélaganna veita frekari upplýsingar um styrkina. Einnig er hægt að nálgast upplýsingar á heimasíðum sjóðanna.

Námskeiðsstyrkir til félagsmanna

Fullgildir félagsmenn stéttarfélaganna í Þingeyjarsýslum eiga rétt á styrkjum sækja þeir námskeið á eigin vegum eða stundi háskóla-

nám með vinnu. Vinsamlegast leitið frekari upplýsinga á skrifstofu félaga á Húsavík.



Dúddi og Jóa starfsmenn Íþróttaballarinnar á Húsavík stóðu sig frábærlega þegar bátíðarboöldin fóru fram í íþróttaböllinni 1. maí. Stéttarfélögin senda þeim kærar kveðjur með þakklæti.



Starfsmenn stéttarfélaganna bafa undanfarið unnið að því að koma sumarþvöðum félaganna í gott stand fyrir sumarið. Hér er Snæbjörn Sigurðarson með sleggju og járnkarl á leiðinni í orlofsbús Verkalýðsfélagsins í Dranghólaskógi í Öxarfirði þar sem dytta þurfti aðeins að bústaðnum.

VHN fremstir

Í könnun sem Starfsgreina-samband Íslands gerði nýlega meðal aðildarfélaga sambandsins kom í ljós að Verkalýðsfélag Húsavíkur og nágrennis er með lengsta opnunartíma skrifstofu félaga innan sambandsins. Mestan hluta ársins er Skrifstofa stéttarfélaganna á Húsavík opin í níu tíma á dag. Samkvæmt könnun sem Capacent

Gallup gerði fyrir Starfsgreina-sambandið og þegar hefur verið sagt frá í Fréttabréfi stéttarfélaganna kom fram að Verkalýðsfélag Húsavíkur og nágrennis nýtur mestrar virðingar stéttarfélaganna innan sambandsins sé tekið tillit til skoðana félagsmanna. Gott mál félagar!

Nýr formaður Verkalýðsfélags Þórshafnar



Á aðalfundi Verkalýðsfélags Þórshafnar sem haldinn var 9. maí sl. var Kristinn Lárusson kjörinn nýr formaður félagsins. Kristín Kristjánsdóttir, fráfarandi formaður og starfsmaður félagsins ákvað að gefa ekki kost á sér til áframhaldandi formennsku en hún var kjörin varaformaður á fundinum. Einnig voru kjörin í stjórn Hulda I. Einarsdóttir ritari, Sigríður Jónsdóttir gjaldkeri og Sigfús Kristjánsson

meðstjórnandi.

Á aðalfundinum var farið yfir ársreikning félagsins árið 2006 og kom þar fram að hagnaður félagsins á síðasta ári var 2,1 milljónir og að eigið fé í árslok 2006 var 31 milljón sem er hækkun um ríflega 2 milljónir frá árinu 2005.

Fullgildir félagsmenn í Verkalýðsfélagi Þórshafnar í árslok 2006 voru 144, þar af voru 62 karlar og 82 konur.

Ríflega 700 hátíðargestir 1. maí

Íþróttahöllin á Húsavík var þett setin þegar ríflega 700 hátíðargestir mættu til að fagna degi verkalýðsins 1. maí. Þrátt fyrir þennan mikla fjölda tókst öllum að finna sér sæti til að njóta skemmtiatriðanna.

Hátíðardagskráin var full af úrvalsatriðum. Aðalsteinn Á. Baldursson formaður Verkalýðsfélags Húsavíkur og nágrennis flutti ávarp við setningu hátíðarinnar og minntist auk þess Jóhönnu Aðalsteinsdóttur sem lést í lok apríl. Eins og flestum er kunnugt var Jóhanna mikil baráttukona og eiginkona Helga Bjarnasonar sem lengi gegndi formennsku í Verkalýðsfélagi Húsavíkur. Steini Hall flutti Internationalinn í tilefni dagsins og fagnaði um leið 40 ára brúðkaupsafmæli. Að því tilefni hlutu Steini og Emma að sjálfsögðu blómvönd frá stéttarfélagunum. Marimba hópur

Tónlistarskóla Húsavíkur tók síðan við með tónlistarflutning og krakkar úr Tónlistarsmiðjunni „Líf án áfengis“ stigu á stökk með dægurlög við mikinn fögnuð áheyrenda. Lára Sóley Jóhannsdóttir lék snilldarlega á fiðlu við undirleik Aladár Rácz. Óskar Pétursson, stórtenór og skemmtikraftur sýndi lipra takta og skemmti jafnt ungum sem öldnum með söng og sprelli. Skúli Thoroddsen framkvæmdarstjóri Starfsgreinasambands Íslands flutti síðan kröftuga hátíðarræðu í tilefni dagsins.

Síðastir á sviði voru svo Ljótú Hálfvitarnir með tónlistartriði eins og þeim einum er lagið enda líklega ekki á færi annarra.

Að loknum skemmtiatriðum buðu stéttarfélögin upp á kaffiveitingar og þrátt fyrir þennan mikla fjölda hátíðargesta tókst á skammi

stund að skenja öllum tertu sem vildu.

Stéttarfélögin vilja þakka öllum þeim sem komu að því að gera hátíðina svo glæsilega sem raun

ber vitni og þeim sem lögðu leið sína í íþróttahöllina til að fagna deginum fyrir þátttökuna.



Kjaramál til umræðu á Egilsstöðum

Síðasta föstudag komu fulltrúar frá nokkrum landsbyggðarfélögum Starfsgreinasambandsins saman til fundar á Egilsstöðum til að ræða framkomnar hugmyndir um breytingar á veikinda- og slysarétti launafólks innan ASÍ og hugsanlegt samstarf í komandi kjarasamningum. Kjarasamningar eru lausir 31.

desember n.k. Mikil samstaða, baráttuhugur og góður andi ríkti á fundinum. Þrír fulltrúar frá Verkalýðsfélagi Húsavíkur og nágrennis tóku þátt í fundinum.

Niðurstaða fundarins er að ekki komi til greina að blanda inn í gerð komandi kjarasamninga þeim hugmyndum sem komið hafa fram

af hálfu nefndar Samtaka atvinnulífsins og Alþýðusambandsins er lúta að stofnun „Áfallatrygginga-sjóðs“. Fundarmenn tóku saman greinargerð um málið þar sem afstaða hópsins er skýrð sem félagsmenn VHN geta nálgast á Skrifstofu stéttarfélaganna.

Eftir fundinn er kominn góður

grundvöllur til áframhaldandi samstarfs og tillögugerðar fyrir komandi kjarasamninga. Næsti fundur félagana og þeirra félaga sem vilja vera með verður haldinn 6. júlí á Sauðárkróki.

Sumarferð á Djúpavog

Rífliga 20 félagsmenn stéttarfélaganna fóru um helgina í sumarferð til Djúpavogs. Veðrið lék við ferðafólkið alla ferðina og skemmtu menn sér konunglega.

Ferðin hófst á laugardagsmorgninum við Skrifstofu stéttarfélaganna og ekki lofaði veðrið góðu, alskýjað þótt hlýtt væri. Það rættist þó úr veðrinu þegar komið var á Hólasandinn og við Mývatn var loftræstingin í rútunni komin á fullt enda sólin mætt í öllu sínu veldi. Skömmu áður en komið er að Vopnafjarðarafleggjaranum er útsýnispallur og þar var tekið kaffistopp. Herðubreiðin skartaði sínu fegursta eins og umhverfið allt.

Egilsstaðir voru næstir á dag-skránni enda komið hádegi og mannskapurinn orðinn svangur. Eftir matinn fórum við Fagradalinn til Reyðarfjarðar og þar var nóg um að vera vegna opunar álversins. Tekinn var rúntur fram hjá álverinu og síðan stoppað í upplýsingamiðstöð ofan við Sómastaði þar sem við fengum okkur kaffi og kynntum okkur sögu Alcoa. Þegar hér var komið sögu vorum við orðin nokkuð á eftir áætlan og haldið af stað áleiðis á Djúpavog. Í gegnum Fáskrúðsfjarðargöngin fórum við fjarðaleiðina og komum á Djúpavog klukkan 3. Hópurinn stökk beint úr rútunni og út í ferjuna Gísla í Papey. Siglt var út voginn djúpa til Papeyjar með viðkomu við eyjuna Skorbein þar sem nokkrir selir sátu á steini. Sjórinn var sléttur og siglingin þægileg og skemmtileg. Áður en lagt var að í Papey var siglt undir fuglabjörg til að skoða þar fuglalífð en lundinn var þar í meirihluta.

Ugnus Didziokas leiðsögumaður gekk með okkur um eyjuna og sagði frá því markverðasta sem þar er að sjá en talið er að Papar hefi hafst við í eyinni áður en landnámsmenn komu frá Noregi til að setjast hér að. Hópurinn kom aftur á Djúpavog um klukkan 7 og þar tóku fulltrúar AFLs, starfsgreinafélags á móti okkur með súpu og ýmsu öðru góðgæti. Eftir súpuna og grillveislu sem stéttarfélagin buðu upp á var öllum hópnum boðið í sextugsafmæli hjá Reyni Arnórs-syni á Hótel Framtíð en hann hefur unnið lengi að verkalýðsmálum á Djúpavogi og vildi endilega fá þennan skemmtilega hóp í veisluna. Þar var afmælistertunum skolað niður með kaffi og öðrum drykkjum og að sjálfsögu var sungið fyrir afmælisbarnið. Eftir súpuna, grillið og kökuna var kominn svefnhugur í flesta enda annar annasamur dagur framundan.

Sunnudagurinn stóð undir nafni og sólin grillaði mannskapinn þegar lagt var af stað frá Djúpavogi. Eftir olíustopp á Egilsstöðum og blóma-kaup í Sólskógum var ekið upp Fljótsdalinn á Kárahnjúka. Fyrst kíktum við í upplýsingamiðstöð Kárahnjúkavirkjunar í Végarði og síðan upp að stíflunni sjálfri. Þar var restin af grillmáltíðinni étinn og passaði kjótskammturinn nákvæmlega fyrir hópinn. Þá var haldið heimleiðis og skilaði hópurinn sér til Húsavíkur um kvöldmatarleiðið, sáttur eftir frábæra helgarferð. Benedikt Jónasson var bílstjóri og grillmeistari í ferðinni en Snæbjörn Sigurðarson og Kristbjörg Sigurðardóttir sáu um fararstjórn.



Verið að leggja í ferðina.




Stigið á land í Papey.



Kristbjörn og Rúnar vel vestaðir á leið út í Papey.



Hallfríður blustar á fyrirlestur um álverið á Reyðarfirði.



Kárahnjúkastíflan tekin út.



Geir og Ásta blýða á leiðsögn um Papey.



Fuglalífð í Papey var fjölbreytt.

Viðræður í gangi milli Fjallalambs og VHN



Viðræður eru nú í gangi milli Verkalýðsfélags Húsavíkur og nágrennis og Fjallalambs á Kópaskeri um nýjan vinnustaðasamning vegna slátturtíðarinnar í haust. Viðræðurnar hafa gengið vel og líklegt er talið að þeim ljúki á næstu vikum. Björn Víkingur og Kristjana hafa tekið þátt í viðræðunum f.h.

Fjallalambs og Aðalsteinn Á. Baldursson formaður VHN og Camilla Johanna Karlsson trúnaðarmaður f.h. starfsmanna. Þess má geta að Camilla er sænsk og hefur starfað hjá Fjallalambi í nokkur ár og var nýlega kjörin trúnaðarmaður starfsmanna.

Húsavíkurkirkju færð gjöf



Í tilefni af 100 ára afmæli Húsavíkurkirkju 2. júní sl. ákváðu aðildarfélag Skrifstofu stéttarfélaganna á Húsavík að færa kirkjunni að gjöf kr. 500.000,- til kaupa á nýju pípuorgeli. Núverandi orgel er orðið 63 ára gamalt og því

orðið nokkuð lúíð. Það er von félaganna að gjöfin komi að góðum notum og sem flestir komi að því að styrkja kirkjuna svo hægt verði að kaupa nýtt orgel í fallegustu kirkju landsins að mati marga.

VP með trúnaðarmannanámskeið



Dagana 23. og 24. apríl var haldið trúnaðarmannanámskeið á Þórshöfn. Leiðbeinandi var Aðalheiður Sigurjónsdóttir vinnusálfræðingur.

Námskeiðið tókst í alla staði vel og á myndinni má sjá Aðalheiði og nokkra af þeim, sem tóku þátt í námskeiðinu.



Sumarið er tíminn, tími lagfæringa og annarra útiverka. Hér er Jakob Pálmi að þússa stigauppgöngu á Mararbrautinni á Húsavík. Þrátt fyrir að Jakob Pálmi sé ungur að árum var engu líkara en að hann hefði áratuga starfsreynslu, því líkt var handbragðið.



Formaður Verkalýðsfélagsins fór í vinnustaðabeimsókn í síðustu viku í fyrirtækið Mjallbútt ehf. á Húsavík en böfuðstöðvar fyrirtækisins eru á Akureyri. Hér eru þær Úlla og Ásta að þvo þvott og ganga frá bonum. Fjórir starfsmenn starfa hjá fyrirtækinu á Húsavík. Fyrirtækið sér um þvott fyrir Heilbrigðisstofnun Þingeyinga, Hvamm og Norðlenska á Húsavík. Fyrirtækið Mjallbútt ehf. á nú í greiðsluferðileikum og eru mál fyrirtækisins því í skoðun.



VILDAR KLÚBBUR GLITNIS

GÓÐIR VIÐSKIPTAVINIR
GÓÐIR PUNKTAR

SKRÁÐU ÞIG NÚNA!

Þeir sem skrá sig fyrir
17. júní fá 10.000
Glitnispunkta strax!

NÝJUNG Í BANKA VIÐSKIPTUM

Vildarklúbbur Glitnis er nýtt tryggðarkerfi fyrir
viðskiptavinum í Vildarþjónustu Glitnis.* Meðlimir
safna verðmætum Glitnispunktum fyrir það eitt
að vera í viðskiptum við Glitni og samstarfsaðila.

Vildarklúbbur Glitnis margborgar sig ... punktur!

* Viðskiptavinir í Vild, Gullvöld, Platinum og Námuvöld.

GLITNIR

Kenntu þér málið á www.glitnir.is,
í næsta útibúð eða hjá Þjónustuvæni í síma 440 4000.